

## Transkription von Urkunde HBS 1446a

Ort, Datierung: Halberstadt, 1446-04-30

Signatur: Stadtarchiv Halberstadt, D 43

Inhalt: Rat der Stadt Halberstadt: Zins- und Rentenverhandlung

WE Borgemester vnde Ratma(nne) Jnnnyengesmeister vnde Bürmeister der Stat Halberstat  
Beke(n)ne(n) / vnde betügen openbar(e) In düssen breüe vor vns vnse nakomelinge vnde vor alszweme  
Joe also deme Ersame(n) / Hanns Heyer vnsem mydeborger hündert Rynsche gülden hoüet sümme(n)  
vppe viff gulden tynses by vns / üppe eyne(n) wedderkopp belacht van Ursülen Päüwel hessen zeliger  
docht(ere) Erfflyken sampt(e) syner eelyken süster(e) / Tylen Ellerlinges hüsrowen angesellet weren  
vnde na dode gnant(es) Tilen Ellerlinges vnde syner hüsfruwen / Hans Heigers zeliger süst(ere) allene  
upp Hans Heiger geerüet vnde vorstorüe(n) were(n) So dan(n)e breff upp de hü(n)dert / gulden  
hoüetsümme(n) van vns vorsegelt Deme Ersame(n) Herma(ne) Sanctem vnsem mydeborger Recht  
vnde re=/delykes kopes weder üp vorbenomde vyff gulden tinses vorkofft hefft De vns den ledegantz  
vnüorzeriget ento/get vnde oüer Antwür hefft ome den nach synen eüenkome(n) vnde syner seilen  
salicheit gebeden toüorandere(n)de / Hebben we syne flytig(e) bede angeseyn oeck godes denst dar van  
mochte vormeret v(er)den ome dar Jnne gefulbürt / sodan(n)e breeff van ohme to vns genome(n) den  
dorsteken vnde dat Jngesegell to broken Vnde we Borgameister(e) / Raetma(n)ne Jnnnygesmeist(ere)  
vnde Bürmeister der staet Halberstat hebben deme gnant(en) Herma(n) Sancte(n) de tijt / synes  
leüedes vor(e) sodane hundert gülden vyff Rynsche gulden ader soe velle mü(n)te vor eyne(n) yslyken  
guld(en) / also yn vnser Stat genge vnde geüe ist adder syn wert vnde nae syne(me) dode den twen  
Comnyssarien / to deme Altare sancti Johannis im <sup>1</sup> der Parkerken sancti Martini to Halberstat vnde  
ore(n) Nakomelyngen(e) / veir gulden vor de vüre üp dat de koep deste krefftigher vnde Zur(e)  
Rechten bestendigest sy Eyne(n) ysliken twe / gulden vor Herma(n) Sancte(n) syner eldern  
husfrowe(n) kynder vn(de)vorstorüener fründe zelen Jn dem(e) An/vachte <sup>2</sup> der hillig(en) mysse Jegen  
goet den here(n) to byddende Ohne de alle Jarlykes üpp Sünthe Gallen / dach uth vnsem Schote  
Renthen vnde tynsen So we van gnant vnser stat weig(en) Jarlykes hebben / Jn toneme(n)de  
touornoigende upp Süncte Gallen dach <sup>3</sup> up eyne(n) wederkopp vorkofft hebbe(n) vnde  
Jegenüor=/dyghe(n) In crafft dusses breües vorkoepe(n) one de alle jarlykes na vorbererder wyse vp upp  
Sünthe Galle(n) / dach de wyle dusse koep steit ane Jenigerleye argelist Jnsage adder gheüerde tho  
betalende Doch soe / hebbe(n) we Borgemeist(ere) Raetma(nne) Jnnnyngeszmest(ere) vnde  
Bürmeÿst(ere) vns vnde vnsem naekomely(n)gen(e) / de macht beholden dat we sodan(n)e Jarlyke tynse  
mog(en) weder affkopen myt hundert Rynschen gulden / welkes Jars we vyllen Sündere(n) wan we des  
beraden würden dat don volden dat schold(en) vnde volden we / Herma(n) Sancte(n) soe he nach ym  
leüende were edder nae syne(me) dode den Alderluden gna(n)nt(en) Sancti / martini kerken  
sampt(en) den Comnyssarie(n) to dem Altare Sancti Jo(hann)is dar sulüest ey(n) ferndel Jars / vor de  
tynse tijt wytlick don vn(de) vorkündyg(en) vnde denne nae vorlopinge des fferndel Jars upp Sü(n)/te  
Gallendach den gnant(en) Alderlud(en) sancti martini sodane hundert guld(en) myt den bedageden /  
tynsen vnde oft der velke vorsete(n) were(n) gotlyken ouertrichten(en) wedergeue(n) vnde betale(n)  
De sodane / hundert gülden denne ane sümment myt vnsem wette(n) wyllen vn(de) fulborde weder üp  
ghelyke ty(n)se / tho behoeff der twyer Comnissarie(n) Sancti Jo(hann)is Altars vnde ore(n)  
Nakommely(n)g(en) beleggen schülle(n) / godes denst eyne(n) vorganck gewyne(n) vnde dorch

entholdy(n)ge der ty(n)ze nycht gheisweket werde Des / to bekenthenysse vn(de) starkere(n)  
gheloue(n) aller v(n)gescreüe(nen) <sup>4</sup> stuckke(n) puncte vnde Artikel stede vast / vnde vnuorbroken  
va(n) vns vn(de) vnsen nakomly(n)g(en) wol schullen gheholden verd(en) Hebben vy dūs/sen breff myt  
vnser Stat grote(n) angehended(en) Jngesegel wytlyke(n) vorsegelt Gegeüe(n) na Christi / vnser  
here(n) gebürt dusent veyrhundert dar na Jm(e) Sesz vndeNeige(n)tigste(n) Jare am aüende /  
Sanctorinij Philippi et Jacobi Apostülörüm(e)n

---

<sup>1</sup> eventuell Schreibfehler:*in*

<sup>2</sup> eventuell Schreibfehler:*An/dachte*

<sup>3</sup> *upp Süncte Gallen dach* im Original durchgestrichen

<sup>4</sup> Schreibfehler, vermutlich: *y(n)gescreüe(nen)*